

Ultimo ora...

Placa di campaña a desaparece den despacho di un Ministro

ORANJESTAD (AAN): — Ayera den transcurso di dia a yega informe na mesa di redaccion na unda segun fuentenan, di despacho di un ministro cierto suma di campaña cu a worde genera of poni un banda a cria pia.

Pero no por a saca afor kende lo por a pasa man cu e suma di placa. No ta conoci si e placa lo tabata poni den un caha fuerte of un lachi posiblemente nan a lubida di cere na yabi.

Cierto ta cu e placa no tey. Informantenan no kier a compromete nan mes y tampoco duna mas informe relaciona cu desaparicion di suma, fuera no kier a menciona e cantidad.

Segun nan calculo, e suma lo ta core den algun mil. Nan a indica mesa di redaccion pa averigua cerca e despacho di ministro cu ta keda den Vondellaan. Si esaki lo ta basa riba realidad anto ta sea ministro

di Cultura of e ministro di Husticia, e placa a worde horta. A yama ambos despacho, pero nan lo no ta contesta telefoon pa confirma of desmenti e informe.

Grupo di PPA original ta bay lanta caso contra Benny

ORANJESTAD (AAN): -- Diahuebs anochi un grupo di miembro di partido PPA original a tene un reunion unda e discuti riba ultimo desaroyonan rond di henter e bululu cu tabata tin den PPA entre Benny Nisbet y un grupo di miembro y cu a escala den publicidad y cu hopi hende a bandona partido PPA.

Mester remarca cu tin confusion grandi ainda bao di pueblo pa loke ta trata e asunto cua PPA ta original of nobo y cual tin e status legal pa por uza e nomber di PPA y fungi tambe como partido politico PPA.

Ayera señor Mirto Fernandez kende a papia den nomber di e PPA original a duna di conoce via Canal 90 cu PPA original ta existi ainda y cu e PPA nobo cu Benny a bin cune no tin nada di haci cu e PPA original.

Señor Fernandez a bay te hasta asina leu di declara cu e PPA nobo di Benny ta partido di Benny y esun cu vota pa e PPA nobo di Benny ta vota pa Benny y no pa PPA original.

Punto interesante cu a sobresali ayera tabata ora cu señor Fernandez a duna di conoce cu no ta berdad cu

PPA original tabata bancarota y cu loke Benny Nisbet a declara algun dia pasa cu PPA tabata bancarota ta un mentira.

Loke Benny Nisbet a haci cu cambio di hala di asunto di partido pa asina lanta un partido PPA nobo tabata contra ley, segun declaracion haci ayera y ta pesey tambe accionnan legal lo wordo tuma contra Benny Nisbet durante dlanan venidero.

Carta lo wordo manda pa Benny Nisbet unda Benny ta wordo poni na altura cu PPA original ta prohibi Benny Nisbet y su grupito uza nomber y logo di PPA original.

Benny Nisbet y esnan cu a bay lanta un PPA nobo

mester bay duna cuenta den corte encunto asunto di placa di partido y tambe otro bienes di PPA original manera e cede di partido.

Benny no tabata tin confianza cu partijraad di PPA original lo elegi Benny como lider y ta pesey tambe cambionan a wordo haci contra reglanan di partido mes y a core bay lanta otro partido haciendo uso di nomber di PPA aunke cu diferencia chiquito den uso di letternan.

Benny mes a dicidi kende a ta hinca den e partido nobo pa asina e por tabata sigur cu e lo keda cu e mando y e poder den PPA.

Señor Fernandez a bisa cu mescos cu Benny a traiciona Betico mescos awor e ta

traiciona Juanchito Iraisquin.

Cede di PPA original keto bay ta di e PPA original, mescos cu e bandera y color y logo.

Benny Nisbet lo wordo prohibi pa sigui uza nomber di PPA y te hasta e ta wordo ordena pa entrega su asiento den parlamento of e mester declara su mes independiente.

E caso aki den corte no lo bay ta solamente interesante, pero tambe uno historico y lo bay pone cu den futuro problemanan interno den cualkier partido lo mester wordo atendi cu profesionalismo y no manera awor un grupito den PPA a haci pa asina bula cabes di hopi hende y core bay lanta nan mesun partido nobo y pa

colmo kere di por usa nomber di e partido original. Otro siman lo bay tin caso sumario den corte contra Benny Nisbet pasobra segun esnan di PPA original, Benny a comete actonan ilegal; nan a comete ladroncia cu e nomber y logo y otro asuntonan di PPA.

Unda placa di partido a bay? Benny a pasa placa over di PPA original pa e partido nobo?

E grupo di PPA original lo bay all the way dilanti mesa berde pa musta pueblo cu Benny Nisbet a actua contra ley y a comete traicion.

Mientrastanto PPA original lo tin candidatonan nobo y hoben pa subi lista.

ORANCHIE ORANJE IS BLEEDING!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Iron Board
Afl. 14,95